

Akilaraaruseriffiup umiarsuarni inuttat akissarsiaat pillugit aqqissuussinermut ilaasunik nalunaarsuiffia pillugu Namminersornerullutik Oqartussat nalunaarutaat nr. 29, 1. december 2006-imeersoq

Aningaasarsianit akilaraarutit pillugit Inatsisartut inatsisaanni nr. 12, 2. november 2006-imeersumi, § 71, imm. 1, aamma § 109, imm. 1 aamma imm. 2 naapertorlugit makku aalajangersarneqarput:

Atuuffia

§ 1. Nalunaarut atuutissaaq kalaallit umiarsuaannut ilaasunik angallassissutitut 1.100 bruttotonsinik taakkualuunniit sinnerlugit usisinnaassuseqartunut, takornarianik angallassissutitut imaluunniit ilaasunik nalinginnaasunik takornarianillu angallassissutitut ingerlaartunut, aammalu akilaraaruseriffiup umiarsuarni inuttat akissarsiaat pillugit aqqissuussinermut ilaasunik nalunaarsuiffianut ilanngukkumaneqartunut.

Oqartussaasutut nalunaarsuisoq aamma nalunaarsugassanik nalunaaruteqartarneq

§ 2. Nalunaarsuinnermut tunngatillugu suliassat, tassa imaappoq akilaraaruseriffiup umiarsuarni inuttat akissarsiaat pillugit aqqissuussinermut ilaasunik nalunaarsuiffianut ilanngussinerit tassanngaanniillu piiiannerit akilaraaruseriffimmit isumagineqassapput.

Imm. 2. Akilaraaruseriffiup umiarsuarni inuttat akissarsiaat pillugit aqqissuussinermut ilaasunik nalunaarsuiffianut nalunaarsuineq elektroniskiusumik ingerlanneqassaaq.

§ 3. Kalaallit umiarsuaannik ilaasunik angallassissummik piginnittup, umiarsuup ilaasunik angallassissutit akilaraaruseriffiup umiarsuarni inuttat akissarsiaat pillugit aqqissuussinermut ilaasunik nalunaarsuiffianut ilanngunneqarnissaanik kissaateqartup allaganngorlugu nalunaarut akilaraaruseriffimmut nassiutissavaa.

Imm. 2. Nalunaarut umiarsuup ilaasunik angallassissutit aqqa, angerlarsimaffia, umiarsuup ilaasunik angallassissutit usisinnaassusia kiisalu umiarsuup ilaasunik angallassissutit, aningaasarsianit akilaraarutit pillugit Inatsisartut inatsisaanni § 71, imm. 2-mut naapertuuttumik atornerqarnera ingerlaarneralu pillugit paasissutissanik imaqassaaq.

Imm. 3. Umiarsuarmi ilaasunik angallassissummi sulisut tamarmik akissarsiaat sulinermilu atugassarisaat pillugit isumaqatigiissutit taamatut sulinerinnarmut atuuttuunerisa taakkunani erseqqissumik allassimanerannut uppernarsaat nalunaarummut ilanngullugu nassiunneqassaaq.

Imm. 4. Umiarsuaq ilaasunik angallassissut akilaraaruseriffiup umiarsuarni inuttat akissarsiaat pillugit aqqissuussinermut ilaasunik nalunaarsuiffianut ilanngunneqarpat ulloq ilanngunneqarfia tassaassaaq ulloq allaganngorlugu nalunaarutit tigunneqarfia, aatsaalli piginnittup ulloq ilanngunneqarfissaaq kingusinnerusoq kissaatigisimangippagu.

§ 4. Umiarsuup ilaasunik angallassissutit akilaraaruseriffiup umiarsuarni inuttat akissarsiaat pillugit aqqissuussinermut ilaasunik nalunaarsuiffianut nalunaarsorneqarsimasup piginnittuata paasissutissanut § 3, imm. 2 aamma 3 naapertorlugit nalunaarutigineqarsimasunut allannguutit ingerlaannartumik nalunaarutigisassavai.

Akilaraaruseriffiup umiarsuarni inuttat akissarsiaat pillugit aqqissuussinermut ilaasunik nalunaarsuiffianit piarneqartarneq

§ 5. Umiarsuaq ilaasunik angallassissut akilaraaruseriffiup umiarsuarni inuttat akissarsiaat pillugit aqqissuussinermut ilaasunik nalunaarsuiffianit piarneqassaaq:

- 1) Tamanna umiarsuarmik ilaasunik angallassissummik piginnittup allaganngorlugu qinnutigippagu.
- 2) Aningaasarsianit akileraarutit pillugit Inatsisartut inatsisaanni § 34 b-mi piumasaqaatit eqquutsinneqarunnaarsimappata.
- 3) Umiarsuaq ilaasunik angallassissut atoqqittussaajunnaarlugu aserorterneqarpat, umiuppat tammarpalluunniit.

§ 6. Akileraaruseriffiup umiarsuarni inuttat akissarsiaat pillugit aqqissuussinermut ilaasunik nalunaarsuiffianit § 5, nr. 2 naapertorlugu paaasoqassanngilaq, taamaaliornissaq akileraaruseriffimmit umiarsuup ilaasunik angallassissut piginnittuanut nalunaarutigineqarsimatinnagu, aammalu nalunaarutip nassiunneqarneraniit piffissaliussa qullunik 10-nik sivilissuseqartoq qaangiussimatinnagu.

Pineqaatissiisarneq

§ 7. § 4-mik unioqquitsineq akiliisitsissummik pillarneqaataasinnaavoq.

Imm. 2. Aktieselskabi, anpartsselskabi assigisaalluunniit unioqquitsippat selskabi taanna taamatulli akiliisitsissummik pillarneqarsinnaavoq.

Atortuulerfia

§ 8. Nalunaarut ullormi 1. januar 2007-imi atortuulissaaq.

Imm. 2. Ilutigittillugu Akileraartarnermut Pisorta qarfiup umiarsuarni inuttat akissarsiaat pillugit aqqissuussinermut ilaasunik nalunaarsuiffia pillugu nalunaarut nr. 7, 28. marts 2006-imeersoq atorunnaarsinneqarpoq.

Namminersornerullutik Oqartussat, ulloq 1. december 2006

Josef Motzfeldt

/

Kaare Hagemann